

曼

谷九

亭

集

復仇亭集卷二十一

壽陽祁寯藻叔穎

古今體詩四十首 乙未

古意

灼灼木槿華顏色如處女朝榮夕已瘁不如麻與苧麻苧
無顏色采緝入機杼忍飢爲衣屨不如藝黍禾黍望時
雨十年九傷暑安得辟穀方服之自輕舉交藤能辟穀根
老實可煮結根三百年誰能坐待汝

雨久望晴同三兄作

憶昨待雨空堂黑與君挑燈愁如織風林灑然疑有聲危
坐相看動顏色潛身出戶試霑溼如盜驪珠先屏息果然

驚起老龍睡收斂雲鱗變頃刻世間恩澤不可倖倉卒已
被神靈識思窮望絕乃一遇萬事那復關人力旱久欲雨
雨欲晴奢心翻覺天工嗇皇天晴雨無盡時注目寥空送
飛翼

薄莫

薄莫上平皋閒看刈麥勞鐘鳴孤寺靜日落衆山高農事
一何急吾生隨所遭昔年種松處來坐聽風濤

得徐七熙菴書

故人京國來相遇壽水陽問君病何如云已歸故鄉側身
望西秦涇渭何蒼茫欲寄一紙書鴻雁不得將而我復抱
疴臂痛寒且僵憶君但有詩忽夢君在傍覺來遣長鬢附

以書數行道我心飢渴念君體羸尪迢迢雙鯉魚報我瓊
瑤章上言病無恙妻子甘糟糠下言因病久得悟養生方
贈我五千言老氏誠剛強念我性褊急顧慮多傍徨鍼砭
到肌骨汗出頭如漿非君金石交何以知我詳雲龍逐東
野斯語安敢當新懦悼前猛勇退辭高翔君誠兼有之守
道身益康顧我幽憂疾灑落生清涼終當謝天伐嗒然師
庚桑

晚菊

百花零亂送秋光冷淡惟餘老圃香自是君身多傲骨不
關時節有清霜

聞楊時齋制軍楊誠村軍門先後以病去官感作

巴蜀多名將開平百戰親
膽能破回鶻名獨動麒麟
聲猶壯旌旗望若神歸雲
信瀟灑大樹日輪困

絕塞論功日封侯相早成
軍中聞小范隴右得長城
金帶圍腰重雕弓側翅驚
誰憐病騏驥伏櫪尚縱橫

題香山新樂府二首

隋柳空攀折驪宮罷掃除
如何杜陵叟腸斷白麻書

鼃龜鳴無謂鸞鳳靜不喧
惟餘秦吉了辛苦爾能言

書香山詩集後感帥中丞事

中丞名承濂字仙舟湖州北黃梅人道光初年撫

浙去官時以鹽筴所餘存藩庫後任取充公用始形奏瀆乃知公之清畏人知也

冷吟閒醉憶杭州誰識清風宦蹟留
一樣私錢付官庫白

香山後帥仙舟

居易自中書舍人為杭州刺史及罷俸鈔多留官庫繼守者公用不足則假而復填

如是五十餘年及黃巢至郡文籍焚燒其俸遂止見唐語林

六弟歸有日矣渴望述懷

歸期早已報平安悵望羸驂滯歲寒應爲故人牽輓住

許蓮

西司鐸

霍州 況逢衰姊別離難

二姊時歸平遙

異書買得金隨盡佳句

吟成筆未乾辛苦賊中來不易幾回驚淚夢闌干

阿兄百事總支離唯有耽書癖未移破我幽憂非假藥益人神智豈真癡芸田歲晚勤何補避債臺高悔已遲莫訝

歸袞如紙薄安排三篋是家貲

弟先以書三篋寄家

再題香山集

直使元劉心暗媿豈惟牛李黨都忘欲知此老非真醉試讀禽蟲十二章

題六弟玉峯吟草

百首玉峯集一年空谷吟文章出憂患離別付登臨漸覺
豪情退仍期道力深歸來且相慰把卷對橫參

夢遊方山詩先君戍伊犁時作也偶從族姪元輔案
頭見手草一紙追念潸然因鐫石嵌之山寺敬次一
篇以誌永感

三年一夢區脫間愁心千疊祁連山碎葉城東卽歸路眼
中蒼翠何時還華巖長者騎虎笑玉女闔露雙雲鬟卻尋
少年蠟屐跡嵌空苔蘚青斑斑春風一吹無遠近馬首萬
里隨刀環苾屨筇杖信非夢幽賞披豁天難慳憶昔劍呷
侍登陟童心快若開籠鵬夜深踏月萬松上人影出沒銀

河灣三十年來憂感集腰腳久遜當時頑不知神漢疏鑿

處落葉荒榛誰與刪

山嶺舊有池周可數百步先君自戍還率子弟往遊歎其蕪沒從兄朝驥

一掘得泉先君喜字之曰及泉

龍鱗半老但欲卧猿臂未折猶能彎猛虎

掉頭龜曳尾山鬼一嘯銷陰姦

詩中詠邊大綬傳青主事

詩成絕域手

自寫弔古慙破羈愁顏買山左券付片紙鶴夢髣髴留仙

寰墓田丙舍宰木拱人事變幻浮雲閒劉生妙手李生筆

此詩劉君霽手摹並跋李君其芳鐫石

摹鐫使我涕淚潺班超投筆老尚悔

裴岑遺碣今誰扳墳冢舊事觸悲慨西望雪嶺橫陽關

追次先君自號訪山詩三首

著書萬里遣窮愁宦海風波老未休知有山靈暗相召歸

心不負大刀頭

先著有西陲總統事略十二卷又要略四卷西域釋地一卷

靈均行處畔牢愁涪老歸來號四休別有傷心羈客淚思鄉不爲橘千頭

賸有青山不解愁朝嵐暮靄幾時休當時扶杖經行地幼

子童孫且白頭

嘉慶己巳歲夏先君遊方山齋藻與姪世弁隨侍年皆未冠彈指二十六年矣

輓故東閣大學士文清公

諱松筠字湘浦蒙古人

自古誰無死如公實可思

三朝存骨鯁四海念瘡痍汲黯生原慙廉頗老不衰便宜

充國疏大事呂端知執法文母害臨機雋不疑

乾隆間公在西陲斷

事有類雋者

能容如夏屋可愛卽冬曦志在羣生宥人稱衆母

慈忠清

先帝鑒

公任兩江總督時會奉

御批

有忠清正直當代名臣之語

恩禮我

皇私每欲躬艱鉅何論數偶奇迂疏由遠慮激切出危詞
前席頻虛處東山再起時隱憂紆耿耿醇化望熙熙才大
難爲用名高敢自欺孟嘗三兔窟晏子一狐皮相業張安
世邊功李貳師賈生言抱火謝傅賭圍碁斟酌將奚取包
容詎爾持素心無喜慍黃口且瑕疵獨有蒼蒼者能知皦
皦爲股肱臯贊拜體貌漢威儀以骸疾不任拜進退俱關
國安危更繫誰畢公方尹夏傳說竟騎箕牢落平生感蒼
茫兩世悲流離遷客去顧盼令公垂萬里關生入三江節
內移幕依嚴僕射樓傍庾元規先君成伊犁公待以賓師
之禮奏請恩旨放還復
佐兩江 往日高軒過春風小巷吹任郎空葛帔韋母尙紗
幕府

帷絕域抵羣乳殘年鶴鬢絲窮通忘勢分生死盡交期辛卯

歲寓藻省親同籍適星軺過壽陽迂

道垂問老母談及先君事歔歔淚下大樹風飄急台星雨

隕隨今年托曹兩相國先後薨逝

易名懸竹帛流涕滿羌夷走卒知司

馬朝廷卧老罷百齡猶苦短一旦忽如遺拂拭延陵劍低
徊峴首碑公歸今不復吾道欲何之

漁洋題昌黎詩後云惜哉韓公不及此但取將相酬

恩譬予謂此特爲劉師命發耳先以馬援軒輊稱之
末乃寓以諷勸亦龍門傳游俠之意也

劉生跌宕非常儔韓公贈之良有由欲迴野馬入羈勒令
取將相酬恩譬以德報怨老氏語洙泗定論垂千秋自從
周衰大俠出睚眦一飯無時休文淵尙且論軒輊師命豈

免誇遨遊公以讒謗竄南海同官不怨柳與劉淮西大筆
亦直道豈爲毛羽生瘡疣推公此心爲將相芥蒂一掃空
九州才高志大語倔強諷勸中有詩人憂羸提居士老詩
伯此論未公吾不侔胡家癸籤更瑣屑虬蟬撼樹羣兒羞
胡震亨唐音癸籤摘公此詩及達夫季子多黃金少陵歸
山買薄田數句以爲口實且云詩亦要占地步其論甚淺
城南一篇示符子高譚公相輕鉏耰論者以是爲公病公
病豈藉庸醫瘳涪翁手書有深意彼哉入室操戈矛山谷
嘗書

符讀書城南
詩並跋後

再題韓公詩碑呈鍾元甫

汪杰

邑侯

唐語林邵氏聞
見錄以壽陽驛

詩園花巷柳鎮州初歸詩楊柳桃李爲公寄意二姝
而作臆說流唐不可不辨頃與元甫談及所見適合
屬爲長
句紀之

馬頭團月及春半花柳邊城冷未斷常山歸來春已深小

桃著花柳條亂詩人感物賦于役柳往雪來同此歎不知

語林何所據牽引二姝供一粲宋碑完好今尙存宋元祐

天常刻韓詩二石今尙在書院驛館中當卽漁陽所見者唐跋傳聞毋乃闕聞見錄所

地得二詩石有唐跋云云韓公自是磊落人文字不受紅

裙絆香山小詩目方笑東野驚才走且汗卽有箏琶侍休

沐豈聞鼙鼓生悽惋朝廷大體待籌策方鎮羣情正驕悍

公去屹如山岳重公歸再覩日月旦嘲桃謔柳歌不類蟋

蟀嘉禾義堪翫當時副使亦有人旅館題成應共看此詩

郎中詩後公使鎮州吳丹以駕部郎中副行今惜哉駕部

平定老君洞厓石有韓愈吳丹過此六字題名詩已佚賴有侍郎句可案我侯好古事探討暇日城東集

童冠文黨石室墮復新昌黎木主朽重煥

邑侯重修受川書院復祀昌黎

先生於講堂

知公精靈留山阿爲我窮鄉施礪鍛寒林斜日幾

登眺古驛停車見詞翰蟲吟啾唧空自訴屢說荒唐誰爲
竄我侯詩品能淹貫特爲韓碑發璀璨更礪片石索我詩
添寫山亭秋一段

雪夜讀豔雪堂集松溪遺稿感作

并序

豔雪堂集陽城張雋三

晉

著雋三弃一衿遠游足迹

幾徧天下以布衣老詩筆豪橫陵轢一時詠史樂府

尤工其弟子同邑李松溪

毅

亦奇士也余戊寅秋與

松溪識於京師後聞其南游訪延荔浦

君壽

遂卒於

浙江長興縣齋年僅三十許延亦陽城詩人兩集皆

延序而刊者

魯連細黠田巴老黃鶴蒼鷹總不凡豈謂詩人例窮蹇或
疑造化忌彫劓文昌樂府工何益長吉奚囊恨莫緘莽莽
太行山雪裏招魂誰與問彭咸

檢書有感

雪窗鳥雀寒不喧插架異書隨手翻縹綾小篆見鈐印藏
弄不知更幾番標題郡望留姓氏款識歷歷皆清門當其
寶惜手自校豈料蝨穿朱墨痕板新紙古精神存就中數
冊瓊瑤琨印文七字抵痛哭賣此書以不孝論杜家清俸
盡在此欲以危言盟子孫翩然乃落平陽市便上汾船走
千里摩挲不忍更簽題楚弓楚得何足喜古來平水置書

局

元太宗時立經籍所於平陽設官董之

祕笈時時出舊族嗟商散後田廬

荒何論鄴侯三萬軸

次和三兄夜坐有感同六弟作

我年四十三已殊少壯時危坐力難久高譚神易疲近因
右擊病運筆無由馳廢學如寒竽何以和填箎阿兄年曰
艾擘經吐宏詞阿弟齒逾壯如弓方滿持宦游各有感人
事紛澆漓不如守一廬彫鐫爲小詩空山多幽人慰我渴
與飢拂衣謝塵鞅皓首同襟期

冬曉食杏酪稹糕次三兄韵

食酪令人肥如乳不容剖食糕令人柔如飴難著手杏甜
稹更黏輒美非諍友試以醇醪比取醉不在酒釋氏供醝

翻籩人薦養糗得一亦足豪此味能兼否吾生慣藜莧捫
腹一何有食字不得飽蝨簡空自守嘗膽縱未能稍稍思
苦口釘盤那得此縮額慙且咎坡公歌真一古味勝牢九

東坡詩豈惟牢九薦古
味要使真一流天漿杜老託長鏡黃精可以壽

題劉澄齋先生錫五詩集三首介休人與先君
丁酉拔貢同年

軼軻文章老更奇少年骨氣相公知官翰林時有文章鉅
公荅拜稍侷上書規

切先君提調史館舉以自代總裁阿文成公問曰此非上
書某公者邪骨氣如此可勝提調任矣此事先君嘗稱述

之傷心倦鳥孤雲句猶似長安贈別時集中留別先君詩
云落葉長安秋漸

深離亭尊酒帶愁斟飛飛倦鳥思鄉樹冉冉孤雲返故岑
往事巾櫛勞遠夢他年車笠見交心也知離別尋常事一

唱騷歌淚不禁
蓋未第時作也

汾水歸來又幾年雪泥鴻爪轉悽然蘭叢先君
齋額心事雞窗

語感舊惟思奚午賢

太原頤真道院假寓感懷同硯諸君詩有賀益風流奚午賢之句

患難交情饋橐餽汾陽舊雨有諸賢春明門外天涯草淚

灑濛池第一篇

先君西戎著濛池行稿二卷卷首留別閩墨園曹定軒郭可之劉澄齋諸君子皆汾

陽郡人也

客至君勿厭一篇

客至君勿厭聽我爲客陳自君歸田廬客亦何負君君欲
問耕稼農諺述苦辛君欲知貴賤近市亦可詢君欲弄筆
札造請踵及門村紙雖不佳山墨雖不珍助君之揮灑可
以怡心神聞君遊京國四座羅朋賓清譚殊未已往往夜
達晨今夕斯何夕客至愁且輦問君愁且輦君亦豈有因
低頭不敢對欲對還逡巡凡子之所詰異乎吾所云商賈

非我事貴賤何必分大賈以心計小賈算錢緡當其抵掌
談錙銖而斷斷豈知白屋下糠覈衣懸鶉吾非厭此客吾
言皆客曠農事吾所欣真言出天民尙惜此客少不能來
如雲筆札吾所親自娛非娛人五乖與五合斯理難具論
買菜但求益嗟賞徒紛紜所厭不在客厭此鑿天真書賈
與市賈名異實則均以此三事較願與農爲鄰士農雖異
業所業樸且淳吾性誠愛客愛客能論文南村有劉子飛
好古篤且勤聞之不可見悵望冬復春北村解孝廉崧讀
書益生塵人皆笑迂僻其言多不羣吾聞三益友友直諒
多聞非此則爲損何以輔我仁謝客吾豈敢慎交古所敦
持此荅客難庶幾爲解紛

食豆渣戲作

磨豆作腐存其渣色如輕塵栖雪沙吹漚噓沫幾滲漉殘
膏賸汁銷精華貧家噉糠不噉此謂此只可肥豚豕那知
風味亦差別棄取豈必分管麻長安富兒厭梁肉萬錢一
箸當筵嗟翻思縮額到昌歆徑欲誇口食蝦蟆賭奇爭異
無不至性之所癖能嗜痴若以此物鬥百草咄嗟可助栳
盤奢世間至味那有定乃不敵彼壺與瓜斷葱煎油滑且
膩牛飼不聞聲觸牙庾郎三九任客笑蕪糞豆粥非此耶
祇愁闌豬餓欲死朝暮怒爾狙公家

贈劉雪巖

粟

雪巖先生予同里古貌高情玉川子兩載不識竊自媿每

聞人笑心獨喜先生鸞鶴有遐想矜帶裏身聊復爾文場

弄筆偶遊戲光怪已動輜軒史拂衣大笑歸五峯山高枕

清流日漱齒霜紅龕人古黃綺二百年來誰繼起山靈木

客罷悲嘯鳥迹龍文落縑紙先生追慕若飢渴收拾斷爛

出塵滓朱絲細鉤神復完墨玉深鑿魂不死坐令門庭塞

無路秋色寸寸滴窗几君酷嗜傅青主書片紙必壽諸石朔風吹雪衣裳

裂妻孥愁歎高歌裏往年旱饑穀騰踊欲以升斗活桑梓

傾困不足急稱貸衆口迂怪嘲不止近聞生壙有銘刻豈

謂後世無知已先生抱才縱不仕品量亦公之佗青主別號比

劉伶傅奕同一醉青山白雲長若此去年手跋方山詩亦

曰人生如夢耳先君夢遊方山詩刻君爲跋尾先生於道乃真覺豈獨愛

山入骨髓青山偃蹇如高人常時不肯近城市昨以髯蘇

句持贈意在追逐忘庸鄙

頃集蘇詩古器縱橫猶識鼎青山偃蹇如高人二語書聯贈之

南村相望山尺咫青鞵步韞從此始

杜句作詩誰爲致雙鯉

琢玉坊邊人姓李

李君復其芳與雪巖善凡傳書多李手刻

惜良馬行

并序

此馬爲伊犁參贊大臣靜止二兄

容安

所贈余嘗乘

以隨扈道光十年秋乞假西歸十月馬死瘞於村北

岡下僕夫灑淚余亦悽然會參贊以邊事獲譴入都

驛館相見語及馬猶撫髀太息曰此真大宛種也

夕陽眺平岡躊躇不能去葦田之東官道西此是昔年瘞

馬處躍馬二十年何獨此馬憐此馬馴健非凡馬玉頂銀

蹄汗流赭借問殷勤贈者誰伊犁參贊將軍者道光七年
春正月回疆平獻俘

北闕下

天子臨軒楹是時五月火雲赫鯨鯢一戮雨洗兵明年萬
馬來西域骨格一一銅爲式將軍贈我扈

東巡貢餘一匹千金直騎出朝陽門東越山海關醫無閭

秋峻阪下薩爾滸

嶺名

夜飛雹間此馬真堪託生死騰驤沛

艾三千里霜林朝日沙道長無人不羨臣馬良歸來芻豆
不得飽西入太行卧秋草春蓐夏牙失調宜不死鹽車死
伏阜自從失此馬令我蹉跎氣益下將軍亦數奇射虎時
遭醉尉罵將軍愛馬能與人我愛馬不如將軍此馬若爲

將軍死未必沙場不策勲紛紛駑駘死亦何足惜此馬惜
未盡其力盡其力棄其身生馬亦與死馬均世無田子方
誰知老馬多苦辛老馬雖老智不竭毋令踰蹄耳死墮
荒山窟縱有黃金難買骨

荅六弟和前二詩意

吾贈劉生詩將爲俗人醫忽然惜良馬蓋惜知者寡相人
相馬可並觀以馬較人人更難陳悲伯樂世亦有平原信
陵今在否能以朽骨換真才古來唯見黃金臺黃金臺自
隗始樂毅辭燕豈得已功成謗書乃盈篋不如老向空山
死我馬不死亦蹉跎劉生劉生柰爾何世間抑塞磊落之
才何其多焉用王郎拔劍斫地歌

望雪有感

閉門幽憂百不知惟望雨雪輒有詩詩成自慰復自歎歎
此恩澤天無私年來旱潦南國甚江湖卻羨幽并兒幽并
健兒好身手不把鋤犁市塵走大困高廩屯若山下戶何
從糴升斗今年斗米錢一千年雖不豐仍中年中年米價
已如此此事騰踊那關天天之於物何厚薄東風釀雪爲
春麥紅朽不能救餓死安用臘前見三白國家常平有良
法法敝乃爲大賈劫從此旱潦更難問使天雨粟天亦乏
誰采我詩上大官我詩不是賀雪篇

炕爆詩

并序

三九寒宵一炕陰伏忽聞大聲發於竈隅噴火迸煙

怒如爆竹余乃撩衣下視炕已龜坼矣明日呼工泥
之工曰此炕爆也乃突塵積溼溼鬱氣不宣洩所致
詩以紀異炕字自宋人已入詩蓋借用詩瓠葉傳炕
火曰炙之義魏書陳奇傳隋書張文詡語舊唐書高
麗傳皆作坑日知錄及韓門綴學詳言之

北炕與南牀地氣不可較穿土以行火中空若方窖石炭
熾其下煙突屹高罩席煥坐屢遷縣温寐無覺讀書勑深
夜門外風吼豹蟲聲何處來細脆觸鞞鞞初如荼鼎沸又
似鐙穗爆欠伸正疑怪噴礪忽掀趨傾維地折軸裂石機
發礮風眩眼花亂蟲聚耳雷鬪拂衣愁化灰撲面恐生炮
踉蹌呼僮僕錯愕動容貌蟄豈驚龍蛇占欲擲杯玆隆冬

火休囚愆陽氣暗膠蓄憤固已久突發安肯稍今年秋霖
多東壁陷于淖幸免沈竈憂不計徒薪效區區補救晚盜
去乃置校因悟萬物理外潰中必拗疏通決壅滯可以爲
民教

疊韵和六弟水仙花

花開莫嫌遲試與去年較去年養此花屋冷如雪窖選石
細細安翦紙深深罩春窗玉女睡千喚不一覺蘭箭未化
蝶筍皮但留豹塵生洛妃步錦惜玉環鞞直至上元夕深
巷聞竹爆一花始催放困舞難騰趯寒颿妬山卉萬弩下
石礮素梅冬無豔紅杏春不鬧枯枝時萌牙病藥半皴炮
何緣冰雪中現出姑射貌玲瓏茁花螿漱澹傾玉玳瑤簪

拈易墮腸管吹難膠凝睇猶珊珊麝香已稍稍仙骨冷於
水夢不染泥淖天然謝家女鑿豈西施效茶經助幽賞花
史待讐校攬鬢卻羞插觸手那忍拗援琴寫此曲欲奉成
連教

感事

一飯千金亦足豪當年意氣比投膠田文老去誰焚券任
昉生前未絕交把劍欲懸何處樹牽蘿能補幾重茅鄰家
舉火煩相待敢爲狐裘作解嘲

哀二士

井序

同里劉子

遇遠

族兄定中

廷宅

皆隱於酒民而士行

者也年未六十相繼殂謝詩以哀之

劉子以酒死吾家定中今復然二子皆嗜酒乃能以酒全
其天劉子被酒但有笑定中酒酣怒且叫酒能令人喜亦
能令人怒二子都不解其故酒態雖不同都無芥蒂於胃
中劉子能書且喜畫其畫自愛惜獨爲北寺醉僧留其跡
定中工雕鐫青山大石往往生光妍去年劉子死寺僧從
此不醉矣今年喪定中吾書雖與施磨礪嗚呼二子乃民
耳民也可以進於士士之鄙者媿此民作詩豈惟哀酒人
冬晚行白家山莊

夕陽下林麓枯木斷河梁清淺不可越驅車獨傍惶敲冰
輾積雪沙石聲微茫明月從東來與我遙相望荒村暮煙
合宿鳥棲寒光一水幾紆折龍門村名歸路長

紀事

胡翁何許人寄食河間陂鄰村有巨猾牛氏擁高貲一朝
盃酒間談笑生險熾猾也揮利刃翁無寸鐵持空堂走風
雨霹靂聲交馳出入刀光中猾力不可支橫刀出門去更
招諸健兒翼日決一戰衆皆爲翁危翁顧笑謂衆吾聊與
若嬉翩然造其門猾乃盛威儀拔刀啗翁肉翁以口接之
肉盡刀不出力竭難轉移噴刀十步外猾黨方潛窺劍戟
倏雨集翁已升屋栴儻况失所在猾也驚且噫再拜謝翁
教請翁爲兒師兩載兒藝成翁請從此辭兒復不自量欲
效逢蒙爲倉卒爲翁困幾死於路歧翁也何許人里居人
不知精精與空空此術何其奇或言事滇藩

吳三桂

滇敗爲

逃廝或云地行仙又疑老狐狸至今獻縣人傳聞多異辭

豪富惡少年睚眦無已時何當逢此翁一爲巨猾規

此乾隆年

問獻縣事頃有道
及者作詩紀之

續仇亭集卷二十二

壽陽祁駕藻叔穎

古今體詩四十八首

丙申
丁酉

元日里居述懷

拜祠謁墓各怱怱里巷新年有古風

元旦祭家祠畢合族長幼序拜然後設茶

果於廡下唯老者得與於燕不拘輩行也里多茗盃消寒族葬墓田去村遠者不過數里祭祠畢卽謁墓

酬父老綵衣賀歲走兒童蕭疏爆竹春生夜撩亂飛花雪

點空等是長安愁米貴何如只在此山中

二月九日雨

東風解凍土膏滋正是扶犁種麥時

農諺春分耩麥

萬事不如春

雨足豐年惟有老農知驟聞隔巷人聲喜準擬明朝米價

卷之二
衰收取樓頭好山色晚來閒品玉壺詩

題唐崇福寺陀羅尼幢

片石千秋有至公大唐年號屬神功褚虞筆法金輪字不
識人間辟嗣通平舒村北崇福寺有唐神功元年石幢高丈餘八角三層上層蓮華頂已圯中層鐫經文周圍鐫十六大字日上爲皇帝陛下敬造佛頂尊勝陀羅尼幢其時武后臨朝所云上者蓋謂中宗且神功年號猶系大唐不書周號當日人心可知已

東軒詩爲張鶴巖先生作

東軒先生居城東行年七十顏猶童人境車馬不到處閉
門終日吟春風講學授徒樂忘倦指畫所及皆發蒙四十
年來壽川士以東軒爲師儒宗支分派衍濶百里其源則
一流則洪先生明經不欲仕一第偶爾榮章逢春官歸來

更瀟灑高想直軼冥冥鴻山國氣寒春事慵萬花獨爲先
生容軒前嘉木手所植梨桃杏柳松梧桐橘柚桂竹皆南
產水鄉乃有荷芙蓉盆羅池列溢闌檻其餘名卉紛成叢
先生樹人已百穫草木亦且歸陶鎔得非寸田生意足和
氣所感無不通繫余弱冠屢摳謁論交安敢方膺融日長
人靜鈴索語危坐若釣溫而恭豈惟清譚見滋味直使矜
躁平心曾先生餘藝亦濟物堪與金匱俱研窮城南王丈
有同志登覽不藉青藤筇曩爲我家卜阡隴至今松翠長
鬱葱宦游歲月入霜鬢顧盼卻媿方青瞳蘇家東軒在何
許一籠載取愁髯翁豈如先生面城坐杖屨不出花香中
黃塵滾滾駒忽忽開軒一笑看雲龍韓子猶知慕盤谷倪

生何日歸耕農

四月六日歸自孟縣迂道遊方山

羊腸歷盡怯摧輪
松徑紆迴頓出塵
猛虎尙聞馴長者
怪禽那用避遊人
斜陽萬皺明如畫
古寺重過跡已陳
三十年來磬石上
清潭依舊鬢毛新

嘉慶己巳侍先君來遊時年十七

沈沈鐘鼓動巖阿
楚楚衣裳散薜蘿
地迴夜看星月大
林深晴覺雨風多
迴思客路千盤折
且共僧談一剎那
更喜壁間題句滿
故鄉山色足吟哦

張東軒錦標李鶴樵仙蟠
遂德星映堂從兄及泉朝

驥皆有題詠今年山
是故鄉看鶴樵句也

方山十詠

兩寺

碧螺闢右戶

下寺名昭化寺

蒼龍枕左股

昭化上院即上寺也

兩寺鬱相望

不知孰賓主日夕嵐氣合松濤雜風雨

長者洞

唐開元時李長者通元於此山著華嚴經論論成化去土人擇地於大山之陰累石

爲墳詳見雲居散人馬支纂錄今墳址詢之山僧不可得云此洞昔乃累石乾隆六十年始甃甃象塔形疑卽長者墓也然纂錄云山陰此洞在山陽俟再考

石塔不可見於何見舍利去住常然耳

長者語

卽此華嚴義

沈沈長者洞中有唐文字

宣定和上云相傳洞中有丹書細字疑長者著論所遺

天池

山頂玉皇閣西

長松萬龍蚪飲此一潭綠憶我初來此引手得寒玉觀河面生皺況乃塵容俗

雲洞

山谷正集卷之二 三
天池池下巖雲洞能作雨我來三日住觸石思一覩想見
空濛中玉女倚窗戶

靈松岩

昭化上院之西

側立靈松岩下有金剛泉松以石爲土泉以松爲天飛入
明月中人間無此圓

白龍池

白龍眠何許乃在靈岩西云是古神湫亭額沒草泥

池旁斷額

有化龍天
池四字

石闌寸寸碧秋色不可梯

黑龍池

東峯雨潭水松影太古黑斜日忽闖漏斑駁見顏色只疑
張伯英遺此漢時墨

青龍池

山北青龍池路險不可窺時聞采樵人獨上偶見之盛夏
凝若冰冬雪無輕澌

赤龍黃龍二池

赤龍常若渴暴雨不得盈黃龍含土精流潤無停聲地勢
使之然何論濁與清

靈跡碑

唐天祐四年碑神福山寺靈跡記王居仁撰王崇裕書宋崇甯元年碑比邱宗勝立

上方有長者像

唐石龕若絹宋石滑如鏡皆述長者跡一一標靈應天覺

彼何人佞佛實自佞

宋張商英有長者龕記

由昭化上院登最高頂玉皇閣

高閣登臨亦壯哉萬松陰合一潭開始知天下寬平處都

自人間絕險來迴指仇猶出城郭俯聞神蝠吸風雷昔人於方

山得斷碑乃知神蝠舊名神蝠蓋取山形名之見先君詩集他時樵牧應傳說親見羣

仙對舉杯

昭化上院藏經閣觀李長者華嚴經論及水陸畫軸

逝多古蘭若馬支纂錄長者事跡云神福山逝多蘭若今方山是也遺跡唐開元其

山方若孟分脈清涼山東西兩翼峙中有神龍蟠長者唐

皇支妙相菩薩鬘一朝跨虎至神龍獻其泉天女爲供養

一龕樓五年華嚴卅九品論成蟬蛻仙至今流水聲如寫

天龍禪峩峩藏經閣插架珠林編藏經閣明萬曆中僧明讓所建其全經乃請於

南京禮部印發者今存者四鎖鎖各三十六函長者所山著華嚴經論一百二十卷合序目共三十五冊尙完

僧不識字顛倒隨風煙撥塵試搜檢幸喜經論完支那手
撰述梵夾猶新鮮法象有護持讓師亦云賢傳聞此山寺
畫像雄且妍牆角發兩笥大軸森如椽天人神鬼趣變相
雜悲歡尻厓擁山嶽頭鬣排魚黿仰瞻滿月容低眉惟無
言誰歟擅妙繪金陵唐如天吳畫世罕觀筆法依稀傳此
山歷顯晦而今尤彫殘墮垣敗瓦中鐘鼓聲不圓青松與
白石羞澀難爲顏嗟余涉塵網窮幽偶躋攀豈無三宿戀
記荊聊成篇

山底逢要處士

錫元

要家兄弟讀書處空山石榻生青苔下山相逢似相識煎
茶爲我書堂開感新話舊索筆札問我出山何時回君今

未老我強仕結茆更約重歸來

余十七歲初遊方山時處士兄弟讀書山中因與相

識通籍同里又一往還及今凡三見焉山底處士所居村名也

蔣丹林前輩

祥暉

童子釣遊圖

五湖煙景有誰爭

杜牧之句

四海門閭無此榮收得夔龍強健

在白頭閒詠荅昇平

今人豈止古人同直恐疏楊羨若翁莫惜世無工畫者世

間此樂畫難工

荆扉水落馴鷗鷺桐樹枝高引鳳皇要識先生釣遊意年

豐人樂抵還鄉

先生自題云祇恐馮夷頻肆虐幾多鷗鷺占荆扉蓋念鄉國頻年水患也

潘芝軒相國夫子花瑞圖

姚黃魏紫鬥千萬金帶獨屬韓忠獻七百年來無此花此

花若以人爲券金閨王氏三花紅主人寫圖歸我公公復
謙讓意有屬奇瑞願與鄉人同沂國梅花古亦有惟公篤
孝世無偶朱草華平孕毓難芝蘭玉樹栽培厚此花之開
遲十年植根已在十年前和氣所鍾久乃見不與凡卉爭
春妍方今玉燭調風雨天下豐年瑞可觀知公袖有嘉禾
圖不獨黃華淡秋圃

徐熙菴自涇陽寄示九日登高詩次韵卻寄

三年何事戀家山應笑塵衣殷復殷豹隱有文終自惜鳥
飛未倦已知還枚生七發相如病陶侃分陰宏景閒斟酌
前賢期努力不須惆悵馬蹄屨

金臺西望邈河山朝退花甌日影殷芳訊忽聞雙鯉到好

風遙送片雲還舊交漸遠添新句鄉夢何因得再閒

余比年家

居去秋遣一介謁君歸得手書多媿目眇兼婉弱比君詩骨定誰孱

題羅蘇溪

繞典

使蜀草卽送其之平陽郡守任

題橋椽筆氣如虹一卷新詩四國風絕似驢提老居士皇華程裏說蠶叢

股肱大郡正需才聯騎羣仙出上台

張茱雲集馨諾葆初厚光與蘇溪以詞臣

次第出爲晉守皆特簡也

竹馬兒童笑相識使君親見益州來

溫潞園廬未盡蕪林宗塾角有遺模贈行更舉黃羊例舉善何妨及解狐

十二月十三日大雪盈尺翼日程春海少司農

恩澤

招吳荷屋

榮光

徐星伯

松

兩前輩徐廉峯

寶善

編修

同集吳鴻生

葆晉

舍人城南高齋以林表明霽色分

韵賦詩見示因成轉韵長句報之

舍人官閣疑山林司農招我曾登臨疏簾落日見城郭地
高天遠生秋心燕臺尺雪頻年少羽擊齊飛破寒曉九市
喧傳古仙過一杯凝望浮雲表可憐倅揣久不成詩來使
我雙眼明高歌密詠歎且喜尺幅中有豐年聲年豐氣和
消百沴坐看西山放新霽

聖敬格天豈偶然諸公憂國誠先計春來莽莽同雲色似
滿畿南接關北露章馳賀在頃刻吟望鄉關更遙憶

二十二日春海少司農招同吳荷屋潘芸閣

錫恩雨

前輩徐廉峯編修集顯處視月齋拜坡公像補作生

山谷正集卷之二
日并觀荷屋先生所藏宋槧施願合注蘇詩本及風
篁圖以一曲鶴南飛分韻得鶴字

紫裘腰笛橫江閣畫障滿堂舞松鶴人生安得如公壽千
載精神緬猶昨高冠笠屐儘瀟灑遺像何必衰與鄂蘇齋
老去壇坫冷三十年來無此樂司農好古復好客暇日爲
公一舉爵中秋重九那有定此例已自髯翁作箠鞞鞠脰
奉警欬銀篆香螺裊簾幕是時崢嶸歲將莫積雪在地簷
冰落公詩光茫照古簡瞥眼開匣得干鎮施願合箋世已
稀況出宋槧非贗託中丞何處得此本賓主傳觀喜且愕
憶從

祕殿見杜集嘉祐所乘亦相若大小毛公舊藏弄

宋嘉祐
間始蘇

郡守王祺梁工部集明崇禎己卯毛展鈔補
有跋亦汲古閣藏本也會於懋勤殿見之題識此詳彼
則略人間天上各有緣眼福合并誰料度蘇齋老人真好
事卷卷銀鉤字鴉躍鉅公名士爭綴筆矮紙斜行無地著
摩挲未了讀壁畫二老風篁坐談謔浮名似笑後生癡狂
態卻對前賢作中丞司農得詩髓江左潘徐氣磅礴酒酣
耳熱誦坡句追逐松喬鄙衛霍繫余廢學如寒筇拄杖三
年戀幽壑不敢望公揮翰手和陶有志公應諾施願注蘇本晴川毛

子晉家舊藏展轉歸大興翁覃谿先生樵坡公數像於卷
端賦詩題識幾於無卷無之今藏荷屋中丞處重裝副葉
釐爲四楨乾隆嘉慶道光三朝名流筆蹟闐闐
不特宋槧足珍卽此零珠碎玉亦希世之寶也

丁酉初春重居食筍齋次瀹齋韻

小園何寂寂春氣漸騰騰掃地初安竈登樓又踏冰

踏冰重上

夕陽樓春海和
予園居舊句山癯君莫厭
筍債我猶勝
舊雨兼今雨
軒

窗好共憑
時澄懷園同直者徐惺菴士芬杜芝農受田賈筠堂楨吳崧甫鍾駿頤翁遂盦心存復來并瀾

齋與予凡七人十
餘年無此盛聚

荷屋前輩清遠峽寺舊遊圖

憶共山僧語夜闌
玉環金鑠事迷漫
卅年宦跡雙蓬鬢
萬

里鄉心一釣竿
坡老北來聊泛宅
清遠聊爲泛宅行
坡公寄菴老句稚川

南去爲求丹睛谿
翠竇經行熟
輪與先生說到難

浮槎曾櫂二禺臺
九月山桃花亂開
清夢似潮仍過峽
碧

瀾留句已生苔
蒼茫尺幅當窗見
蕭灑扁舟落手來
大雪

燕臺宵宴罷一時
迴首嶺頭梅
君兩遊皆以歲暮余壬午
奉使粵東往來兩登峽寺

次韵瀾齋新春園寓書懷六首

地界銀灣左園居闔苑東水如折衣帶山是曲屏風

鳳閣棲仙侶

龍章仰太空至今青翠氣長在五雲中

近光樓恭懸康熙御筆青翠霄漢

額書

丹雘新居煥藤蘿舊徑迷

園廬去年重修

十年魚在藻四度燕銜

泥

余自辛巳入直除奉使回籍中間居是園者已逾十稔去夏服闋入都蓋四拜恩命矣

老竹仍當

砌春花故點畦門前蓮葉水原不限東西

典型瞻老輩

時吳縣潘公長白穆公爲穆公又與蒲城王公同直

上書房總師傅南書房皆樞相

談笑接醇儒

惺菴學士遠齋大理芝農洗馬筠堂侍講崧甫修撰皆直上書房淪齋閣學與余直

南書房

萃野堪求友匏星尙繫吾澄懷遺卷在盛會近年無

澄懷八友圖乾隆間蔡葛山相國所繪也

皇

亦欲陪高

詠蓬心媿久蕪

憶昔從黃石仙癯骨相清秋花寒不落春水綠方生屋有

歸航號齋仍食筍名

黃左田先生居直園三十年丙戌歲致仕歸里顏其屋曰人海歸航今食

筍齋仍先生舊額也

向來聞鶴歎進退總分明

先生常喜誦東坡鶴歎詩難進易退我不

如之句

柳筆

天垂眷吳鉤氣上騰花驥傳駿骨梵呪屬神僧

君屢奉敕書馬贊

心經墨妙摹碑古

予近拓壽陽魏齊唐碑數種以君雅好金石悉貽之

衣香

賜硯會

去年君奉

特賜松雪齋硯

莫論才卓犖刻畫亦

臣能

高樓對月華圓到侍臣家

苑樹春偏早街燈夜不譁詩歌紛白雪官職近黃麻

唐制翰林

掌黃一笑酬佳節豐年酒易賒

御書印心石屋圖爲陶雲汀制府前輩題

歲旃蒙冬季月望陶公述職來南疆

天子前席公跽旁

眷深禮重

恩沛滂凡思對命靡弗詳仰窺

羲畫堯文章是時錫福開春陽天下皆知文字祥

帝曰楚材汝實良賜汝額書汝其獲公拜稽首色悚惶臣
里居直江之吭惟濱有石如印方濤撞沙噴其質剛在水
不濡亦不僵取以印心心斯臧臣自筮仕辭湖湘方寸所

懷老敢忘惟臣之寶非白珩願以此石升明堂臣聞邃古
有聖皇煉五色石補穹蒼星精下燭天南荒衡岳所結由
混茫奎壁幸許分餘光

帝曰俞哉汝言昌予嘉汝績爲汝彰四字墨寶垂琳琅豈
惟乃心迪吉康咨汝啟沃贊贊襄公拜且舞出九閭百寮
聳觀如堵牆都城十日聞天香人間不敢私弄藏摩厓萬
本雲錦張公之恭敬在梓桑捧還父老相扶將感拚決若
驚鳧翔但言玉軸金題裝我
皇治理登虞唐萬幾日昃猶不遑

手詔細札多十行大書惟用

賜壽觴匪公其孰膺此慶近者陳氏之義莊

陳芝楣中丞
入覲亦蒙

御書義莊
二字賜之
先後拜

寵何輝煌

鴻藻豈獨榮其鄉直恐响嘯無光
舍人作記聲鏗鏘宜

與畫本傳縹緗

公繪圖徵詩以榮
吳舍人清皋爲記其事

君賜

侍臣珥筆斗戴

匡賦詩紀盛職所當歲星在吳歲大穰公其運璧春陰長

林少穆前輩

別徐

以蘇撫述職來都旋拜湖督之

命賦詩奉餞

東南節鉞天下雄其要三吳與兩楚吳爲閩越之咽喉楚

則蜀豫之門戶民殷政繁責任重選置疆帥勞

聖主安危所繫在得人經緯全才賴兼舉月在孟陬歲疆

圉公述職來自南土西山大雪放新霽

天子臨軒公拜舞

前席咨諏越旬日謀猷密勿人莫覩

帝曰嘉哉惟汝績予聞吳民歌召杜惟楚之民亦望汝汝其爲予作霖雨洞庭南北厥壤大比年小醜煩用武北臨江漢要隄防南界苗獠須鎮撫年豐訟簡水苗澹然後吾民得安堵公拜稽首偃僂俯臣聞牧民如哺乳黔赤則子吏則母吏或不良民乃窳其始巫鬼牽習俗甚者當車恃螳斧時和必先去害馬政猛務在除苛虎臣愚不敏請從事願奉

德恩勉揚謏維時三載

帝考績

丹綸捧出日亭午百寮額手九市抃已見卿雲爛江濟侍
臣相顧更私喜摘藻會陪東壁府公望屬公今果然不獨
彈冠及貢禹西園舊雨得重聚皎皎明月盈三五醇醪一
斗爲公醉醉後狂言毋乃魯

朝廷恩重報稱難力薄才疏媿無補作詩願公德施普他
日勛名照鼎輔

次荅淪齋敲冰戲作

春水綠於酒春雲薄似冰酒新醒復醉冰嫩解還凝君已
移家慣吾猶種樹能

來詩以橐駝爲戲

園丁暗相笑豪興有誰會

寶賢堂龜硯歌爲張石洲

滌羅作

龜書世莫識龜卜廢已久惜哉有墨不得食曳尾甘向泥

塗走元精萬古淪石髓兆圻依然見奇偶強作硯田已失
職況令龍尾嘲牛後翩翩晉王孫一見勝瓊玖置之寶賢
之高堂禹篆孔銘相左右玉魚不死蘭紙出三百年來誰
與守世間俗書逞姿媚漆簡駸駸變蚪蚪蛇蚓得意兔夜
哭靈蟻義不汗其垢張君嗜古飽奇字箸書不復憂覆瓿
下揖冰斯上軒頡感激石鼓悲响嘯元夫闖然乃入戶衆
目驚怪笑且醜臨池濡墨獨狂喜至寶肯落豫且手君看
長安諸少年黃金爲印龜爲鈕纍纍若若真可憐富貴浮
雲一何有豈無石卿侯豈無文字友玉堂新樣豈不佳月
露風雲忍相負讀君詩飲君酒送君還鄉歲在西酒酣鑽
龜爲君卜龜言抱璞終當剖烏虜抱璞終當剖君不見鳳

皇麒麟在郊藪

卓海帆前輩屬題華嶽雲開立馬看圖

展君看嶽圖立馬如遠眺讀君登嶽詩絕頂身乃到壯遊

挾奇氣寫以閑神貌阮公芸臺先生亦有言遊山須年少想當

攀躡初目已無險奧而君慎舉趾進乃防其躁君丁卯登嶽有舉趾

輒虞錯躡進防失腳之句此豈少年語老境恐難造圖成廿載後用意

婉而妙攬轡若有思置身不欲陷輶車再經過雲開見晴

矐仙人撫掌喜玉女低頭笑用君甲午望華詩意衡才與讖獄兩事

可並較亦如遊山人心領有真要我昔西度隴過眼失雲

嶠夢中青蓮華至今頭屢掉重遊定何日腰腳尙騰趲因

君問奇句搔首慙謝眺

海帆先生荷舟聽雨圖

道光乙未

上試卿貳詩題

憶金陵句也是科先生典故試江南因取此意爲圖以紀恩遇

手把芙蓉汗漫遊天風吹雨灑清秋詩王已屬陳芳國星

使眞乘太乙舟仙掌西擎雲滿袖大江東去月當樓

江面山樓

月照時是科江南試題

定知露冷蓮房夜綵筆無人歎白頭

貌取江鄉入畫圖

御屏詩句紀

恩殊

帝知巴蜀多文雅人比煙波一釣徒舊雨莓苔如有約同

舟鷗鷺不嫌孤

先生近權兵部幸得同事

樂泉西畔吟詩舫準備先生

倒玉壺

吳荷屋前輩龍塘阡圖

君昨遺我吾學編云是居廬攷禮手所箋斟今酌古有典
則至性中發非外緣禮堂寫定人共傳披圖又見龍塘阡
不知白雲山高幾千尺但見青林翠壁中有一派清冷淵
魚腸細路裊其顛驅珠抱月深而圓流光下照及丙舍至
今慈烏繞樹馴鹿當階眠白雲出山今幾年夢中綵衣如
雲鮮此圖用意亦良苦使我側身西望涕淚漣我家雙鳳
之麓有墓田青松舊植碑新鐫馳驅鞅掌此身敢自惜來
諭同荷

君恩偏

予庚寅秋乞省卽先生作圖之歲

假歸城南尺五花連天一兩三日

催離筵八閩父老望已久五嶺山川來眼前

時君再任閩南不須

臨別重惆悵君不見龍塘雲起灑潤彌垓埏

篝燈課讀圖爲費畊亭太守

庚吉題

一編機杼想辛勤古木柴門夜雨聞寥落難逢工畫者歛

歛能感故將軍

王蘇生世緞作圖
那文毅公題首

於今五馬迎紗幔猶憶

孤燈照練帟使我低徊看得太行莽莽有寒雲

漫飢亭集卷二十三

壽陽邢篤藻叔穎

古今體詩四十四首

丁酉

丁酉八月二日蒙

恩調補戶部右侍郎奉

命督學江蘇恭紀二首

西樞觀政佐羣賢民部分司許整權

時以兵部左侍郎兼署戶左

方學

三農辨菽麥敢期九府問金泉

戶右兼管錢法堂事

量移祇覺

恩施重循省當思職任專獨媿書生心計拙區區憂

國願豐年

從來江左盛衣冠專教

虞廷務在寬季札流風嫺禮讓希文遺澤振孤寒若論學
校漸摩意須作春秋責備觀三復

綸言期砥厲衡文差易取才難

八月二十二日涿州喜三兄至卽次壁間陸立夫編
修韻並寄六弟

燕南何幸賦移華一笑同登八月槎小別判年心久繫相
逢歧路里無差塵容困頓憐爲客絮語平安似抵家話到

山田轉惆悵不堪秋穫問鎌杈

吾鄉頻歲不登關北尤甚

小山叢桂正秋華招隱幡然逐客槎

兄未了秋試卽做喪北上

塗抹時

妝元不慣鑑衡老眼未曾差春申浦上應題句杜曲城南

卻憶家寄語杏園消息近明年珠樹茁三杈

六弟以會試留都

河間懷古簡苗仙路明經

學植後改名夔

河間文獻漢廷光一代名儒萃此鄉
彤管詒詩毛博士玉栢明道董賢良
於今里舍僥絃誦自昔河流接混茫
聞說遺甄收隸古幕中先喜得賁皇

仙路肅甯人嘗得河間獻王君子館甄拓本流傳一

甚多時題詠

行次禹城孟氏莊

午憩村柳下飲水如飲醅
空場噪鳥雀禾黍不成堆
借問穫幾何父老歎且唉
炎伏四十日火雲燒飛埃
秋雨已過時苗枯難再培
有如病暍人病起神先摧
似聞京師熟米價連年賸
恨不畊王畿鼓腹歡如雷
使者從北來中道心徘徊
眼見河瀛南田野惟蒿萊
十室八九罄流離及翁孩

濟南連泰岱蝗食無留麥使車尙未至耳聞已可哀皇天
無厚薄流行代有災長官憫疾苦租賦肯汝催此邦雖小
旱幸免空餠囂努力耨秋麥明年餠餌來

齊河道中望岱嶽

古祝阿地

東北西南際浮青縱目勞山從祝阿近路出禹城高保魯
今爲郡環齊昔有牢何時凌絕頂海日豁雲濤

山行

漸覺峯巒合初疑徑路偏雷鳴車入谷雲起石連天孤寺
收羣峭秋林散眾妍金牀兼玉几相對轉茫然
括地三千里摩空五十盤神仙猶漢史樹木亦秦官觸石
當爲雨封泥那用乾天門何蕩蕩大海信漫漫

謁岱廟二十韵

海表封疆大天齊秩祀崇岱爲五嶽首震是長男宮帝配
靈威仰神兼應上公登封昭盛典崇望荷元功巨郡連沂
濟靈祠軼華嵩冕旒儀赫奕殿陛制穹窿

列聖龍章錫明禋肸鬻通温涼圭璧異

大圭上方温下方
涼乾隆間頒藏嶽

廟青綠鼎彝同漢柏經

圖繪

乾隆御筆
漢柏圖勒石

唐槐尙鬱葱遙思秦篆古祇見宋碑豐

大中祥符
宣和兩碑

蕩蕩天門上峇峇雲路中霞堆疑燦爛日觀想

溟濛跡阻郵程迫心憂穡事空一官虛借箸九叩展微衷
茲土秋仍旱惟神念亦恫由來雨天下豈不憫齊東趨趨
餘螟螣螻螻有雁鴻

咨詢切宵旰盪滌宥顛蒙土壤滋培厚倉箱指顧充駿奔
昭對越丹雘蒼岬幪悵望吳門練馳驅漢使驄萬峯回首
處雲氣夕逢逢

飛蝗歎

蝗來天爲黑蝗去地爲赤泰安南北何蕭條蝗去蝗來如
海潮五月食苗心六月食苗葉苗根苗節翦如鬣僵立野
田風獵獵空場滌滌眠耕牛過客謬云農事收可憐秋麥
種未已九月翻犁見蝗子蝗兮蝗兮爾勿得意矜翹股泰
山豈不如田祖一鄉不雨雨天下神意冥冥識者寡鳳皇
在邑虎渡河方今那復憂政苛但願冬雪及春種明年飛
蝗化爲鳳

羊流店

晉羊叔子故里有羊公祠俗訛爲楊柳店

楊柳店頭風日秋夕陽山色滿層樓一般峴首登臨意誰信羊流似馬流

新泰縣堂東周槐歌留贈邑令張泳叔

涵

平生所見周槐二其一乃在華嶽祠昨謁岱廟見漢柏紀年未及秦松時眼中突兀復見此平陽古縣堂東垂張侯好古吾鄉里此天假緣非人爲輪囷礪斲根節怪碧葉疏散無醜枝細觀恐是扶桑石

石在岱廟

神物變幻成離奇魯宣

八年始城此樹木與城同時遺祖來新甫備楹桷斷度竟不逢奚斯倭也得國以齊賂築城毋乃心自疑當時鄭蘭

已遭刈此樹乃有神護持至元之朝再枯苑

元至元時縣省入萊蕪槐

卽枯後復爲
縣槐乃再榮
婆娑直與琴堂宜
堂西一株亦夭矯
卧龍放
悲鱗之而
卧龍槐在堂西與此對茂亦古物也
吾聞衆木槐最壽
樹之朝位
昭威儀看君訟
庭閒且冷
它日定繫甘棠思

蒙陰公氏館留題

花木秀而潔
中庭迴以空
家仍魯公族

公氏系出魯昭公子公衍公爲之後

據公氏族譜敘云

地卽古東蒙
舊德存先
乘行人識里風
未能忘

一飯駒影且怱怱

公氏館中見海帆前輩題句和寄

仙槎君舊泛

嘉慶間君曾巡視東漕

岱嶽我初經
雨逼重陽日
天催

兩客星每吟留
壁句相憶看山
亭知否袁江上
扁舟可暫

停

君奉命視學浙江與余同日出都驛程先後相望

九月五日過蘭山縣世父貫亭公舊治也感作

棠舍攀餘蔭桐鄉感再過掾丞寮友盡衣繖去思多

世父官蘭

山緝盜清訟卒於任民爲衣繖頌德

度嶺聞晨櫟行田見晚禾勸農兼弭盜

誰嗣海沂歌

沙溝紀言

蘭山縣南沙溝柳行人繫馬逢野叟初說今年穡事有次

說飛蝗不爲咎問蝗胡以不爲咎縣尹趙侯民父母

趙尹雲鵬

聞喜人

趙侯蒞此兩年久今日飛蝗有卽培力能培者勸以

酒力不能培官爲取賣蝗買米得升斗悉出官錢非稅畝蝗貴米賤夫豈偶鄰邑豈無尹某某不如我尹廉且厚沂有匪曰掖刀手自尹之來翦其莠雖不能盡去八九訟庭

無塵淨如帶何以祝尹願尹壽吾與爾尹爲鄉友喜爾說
尹常在口韜軒采風吾職守載筆紀言歲在西

過東海孝婦祠墓感于公事

鄉城南五里許

太息于公去誰明孝婦冤萬家已枯旱三載乃平反擇吏

文母害驅蓄治有原始知五行傳不是腐儒言

孫淵如先生東海孝

婦墓碑記云洪範五行傳曰刑罰妄加羣陰不附則陽氣
勝故其罰常陽京房易傳曰厥德不用之謂荒荒旱也其
旱陰雲不雨變而赤孟康謂欲得賢者而不用是爲殺孝婦亦爲不信于公應經典也

傾蓋亭

荒城雲鳥送行驂驛路尋碑問古鄉傾蓋亭邊秋色遠夕

陽紅處是江南

紅花埠距鄉城南六
十里過此卽江南境

渡黃河

清江浦

北來車馬苦蹉跎一笑乘風渡大河近海勢猶千曲直浮
槎人已五經過泉蘭潼關孟津汜水徐州凡五渡河長菱美玉功無已轉粟
飛芻事正多迴首漸看鄉國遠江淮浩蕩更如何

露筋祠

高郵州南三十五里

水平風軟繫扁舟孤寺疏林瑟瑟秋三十六湖樓上望白

蓮開盡使人愁

道光癸巳李榕園觀察彥章建三十六湖樓雲汀制軍書額

江蘋誰薦女郎祠

江淮君子水山木轉漕年年賴護持聞女郎祠陳曼生聯

道秋風歸棹晚壁間惆悵禱冰詩

雲汀先生巡漕詩也

茱萸灣登寺塔

黃灣弭棹恰秋晴塔頂初攀放眼明一綫界天瓜步水萬
山銜日石頭城南朝王氣餘金粉北客鄉心逐旆旌罨畫

窗虛容人坐數竿瀟碧欲題名

渡江

九月十六日

瓜洲望京口一水劃空冥解纜月猶白過江山更青人煙
知北固泉味得中冷不是愁風利征帆不肯停

郭璞墓

浮玉山前石千秋屬景純至今過墓地猶憶賦江人注雅
難諧俗遊仙遂得真書堂餘梓里礪草若爲春

聞喜縣有郭璞書堂

皋橋晚眺憶六弟

皋橋北望鬱森沈細雨維舟步碧潯秔稻連天秋爛漫江
湖滿地客登臨孤帆遠影頻回首一畝清泉敢易心

惠泉在邗

自此折而西北七十里卽抵江陰

初抵江陰使署以詩代簡寄六弟都中

江陰雖小邑官舍深且寬前堂後有樓嘉木森交攢堂東館衆賓修竹中檀欒堂西羅羣書筆研塢可安小園更迤

西池荷猶未殘登樓見城堞君山如髻盤

山以春申君得名在江陰城北

南北有亭榭東西多竹闌榭倚岸之隈亭峙水之湍橫橋

跨池面屈曲蚪螭蟠橘柚松柏桐榆柳雜桂蘭高下疏密

間跬步各異觀有詩嵌壁石鴻詞出鴈鸞風流典型在拂

拭生遐歎

壁鐫前學使詩賦凡二十石

繫子辭京國坐眺江上巒居然

小澄懷

澄懷園翰林退直所居

內廷

兼得朋簪歡阿兄腰腳健趙子

復

顏方丹家山落窗几恍著方山冠初冬雨新晴地靜天不

寒文書事差簡可以弄柔翰尺素報子弟烹魚爲加餐

得大姪世弇寄詩慨然次荅

兩載鄉園形影隨每思灑淚送行時如予遊宦難醫拙使
汝艱辛不療飢稚子何時生羽翼蘭孫尚幼冷官誰與相毛皮
可能一棹來相就江舍雖寒免別離

漢河間獻王君子館甄歌爲苗仙路作

祠太一禮五時朝策賢良莫方士漢家離宮土朱紫繚以
周牆四百里獻雅樂求善書石室金鑽無其儲被服造次
必於儒客館乃有二十餘三輔黃圖云獻王置客館二十餘區以待學士亦載西涼雜記

豈惟秦灰出墜簡毛董並是河間產董生對策天下稱朝
廷獨相公孫宏可憐絲竹與金石壤壁空聞素王宅淮南
雷伍梁鄒枚楚筵醴酒尋常開當時諸王亦風雅尺椽寸

璧無存者葉公好龍豈真龍黃金買馬非良馬完完君子
甄兩字三千年苗君嗜古精誠專得之梓里手蠟疆山東
諸儒坐相對置身已在元光前岐陽鼓鴻都市揚盡人間
千萬紙銅雀香姜可碎矣南遊更訪吳君子

孔子篆吳季札碑在江陰

乃唐時摹刻

劉子敬

師陸

記云宋史太宗紀載雍熙三年十二月契

丹敗劉廷讓軍於君子館金地理志亦云河間有君子
館顧祖禹方輿紀要謂在府西北三十里觀宋初紀戰
之文則地名之久著可知爲古昔相沿矣甄文隸書君
子二字其一面作兩重斜方孔如雷文者二方孔內各
有乳今所見漢甄往往如是

附記

君山梅花書院壁鐫東坡笠屐小像松雪筆也題二

絕句

聞道先生歸海外，顧塘橋畔借居間。傾囊買宅仍無地，笠

屐應須住此山。坡公歸止於毘陵顧塘橋孫氏之館陽羨焚券之後不復買宅竟終於借居費衮梁

溪漫志方嶽深雪
偶談俱載此事

東園偶送門冬飲北客，難消陽羨茶。誰料山阿千載後，萬

株梅樹屬君家。梅花書院戶
祝蘇學使銓

存雪亭次駱使君韵。亭下梅六株姚秋
農先生補題存雪

誅茅闢徑露苔斑，坐對湖嵌一解顏。山雪欲來連日冷，官

梅曾見幾人間。踏泥鴻爪飛無定，繞郭江潮去復還。二百

年來題句在，誰將畫本付荆關。明萬厯間駱學使駿曾字
沆瀣留題并前後和詩石

刻皆嵌池南亭壁江陰使署故巡撫行衙萬曆四十二年學使山陰王以甯始駐此駱其次任也

冬至日西園水榭消寒初集分韻得不字

南國冬深氣蒸鬱小園地僻波迴屈牽船忽如春水坐水榭

舊榜曰不繫舟卷幔不畏寒飄拂瓦爐煨紅酒易沸石徑迸綠筍

堪掘舊雨今雨生煥熱一笑居然謝簪紱是日日長驚再中翻怪炎景來何歛看書讀畫共盤薄眼花落几背遭熨

東吳稷稻今年熟萬艘雲集山峴坳催科不拙心轉勞牙

齏塞江正空拂我輩優游亦奚補官閒幸免身勿勿一日

之蜡未爲狂三載窺園何必不詩成奔走到童穉敦長兩兒初學

詩客裏登臨見雲物河間苗先路學植仁和蔡繡菴麟書新城陳伯禱熙平定許蓮西長庚吾

邑趙心園復正家前亭已報花蓓蕾後約更待冰畢波兄漁莊同集水榭

題張亨甫

際亮

松寥山人詩集

黃石橋邊奉素書

黃左田師將告歸乃知亨甫詩寓書京師惜未能如韋左丞之與少陵也徐

陵坐上見珊瑚

會於徐廉峯太史處讀亨甫詩

十年每恨相知晚一棹誰

憐作客孤

亨甫頃過江陰留詩集於李申者先生惜未見之

冠蓋參差滿京國文

章潦倒付江湖詠懷往往商聲發莫把疏狂例酒徒

亨甫婁光堂稿有緝捕盜賊事宜十條蓋爲建甯延平

汀州邵武四郡議也嚴治差役兵丁窩盜除險阻巢穴

二條尤扼要餘亦多可採用

附記

題楊子堅

鑄

生公石上論詩圖

子堅丹徒人有自春堂集十二卷

老作諸侯客詩名四十年仙心託黃鶴時論比青蓮片石

今誰語扁舟集早傳海鷗還浩蕩相對轉茫然

唐安定梁君墓志銘道光十二年三月壽陽牧者掘

土得之邑侯鍾元甫

汪杰

錄其文寄示詞雅體潔其

地名有飴露鄉段亭邨山名有巨山皆可補正邑乘

賦此報之且索拓本

元默執徐月在辰片石獲自牧羊子乃唐梁君之墓銘太

和七年殯於此輔國之孫季淮子年十有一惠而美能諷

孔文顏氏字育而不苗童烏似段亭邨西巨山南飴露之

鄉近壽水厥名曰春字亦春春華未萼霜雪委乘羊戲馬

人不見謝玉瓊珠誰所誅

撰書名氏未著

劉生好古獻我侯

劉雪巖

邑諸生留意金石

侯以尺書遺千里金鐘既得地靈發

壽諺云古城

北沒耳金鐘露半壁去年侯於

天池復濬人文起

方山頂天池將

卷之二

涇侯濟治之大祿二年丁未陽陽摩山銘摩山功德銘文靈嵩記寶應元年

刻石紀事嵩寺新造大樂元和六年辛卯大樂山神福天祐四年丁

功德堂記重修古楞伽寺碑記碑並峙是皆唐筆久湮鬱我剏得之鏗工李其芳善

靈跡雪巖與我村北陀羅幢余家平舒村北崇福寺手每摩抄

同好有唐神功元年經幢心獨喜邑乘闕略遺金石六十年來待編紀壽陽縣志乾隆三十四年

知縣仁和龔導江重修我侯通博百事理意在搜抉證前史宦游悵

望碧夫容兀坐一齋如夢耳比年得吾邑碑搨所至別懸

洋方山詩巉巖高捧碧夫容句意以寄鄉思不惜瓊蠟遠相投江上春來有雙

鯉

附錄唐故安定梁君墓誌銘并序

皇太和七年冬十月十四日安定梁君卒於晉陽縣望

幸里春秋享秩一十有一其年十一月甲寅遷窆於壽陽縣飴露鄉段亭村莊之西巨山之南君名春字春唐河東節度散將驃騎大將軍試殿中監輔國之孫皇河東裨將儒林郎試宋州宋城縣尉季淮之子實謂弁汾之標英雄之葉訓誨弘誘小學大成至於孝經論語通卷背文顏氏字類之書問之便寫幼而桐明珠瑩庭曜豈期歡與代而相違悲隨齡而忽迫豈平分之失序感霜露之不時桂葉桐花方春便落慈尊聖善寸割中腸姑叔諸親咸哀妙幼遇歲宜非便未就大莖卑而難留禮期踰日協從斯地窆茲墳恐年移代改過隙難分擲是人非孰明遼鶴故鐫樂石銘表將來記之下泉用

憑千古其詞曰

幼而能惠 聰明天假 總角乘羊 成童戲馬

諷念孔文 人推清雅 謝玉瓊珠 瘞茲墳下

苗先路讀段氏說文解字注

心部惠字下

知徐楚金繫傳

姑蘇黃氏顧氏各有影鈔北宋足本假觀之願形諸

詠歎可謂勤已次荅以誌同好

凌長說六書古文賴夏輯亭林纂五書音學允能執俗儒
鄉壁造汗簡吞聲泣古音與今韻錯悟難收拾休文變古
音得一遺其十平水變唐韻部分不可葺審音以定韻顧
氏豈勤襲君守小徐傳上追復下揖抗聲段金王高問如
雷啟冬蟄善本吾亦慕升階必由級會當求雙壁幸勿嗟

孤立

附先路作

生平私淑心亭林多纂輯韻學接孔周

洪洞李子德語也亭林得唐韻

舊本於雁門關淮安張力臣校寫潁川陳上一季刻之序引李處士謂亭林韻學直接周孔

一語亮能

執世無揚子雲鬼笑倉頡泣天未喪斯文洵長

漢許君曾爲洵

令本書水部洵有二一井一涇一沛郡不知何屬也

秦灰拾南唐徐楚金繫傳成

四十汪刻落葉多破碎不完葺

每部少字每字少說解者不計其數段茂堂謂

姑蘇顧氏黃氏有影鈔北宋足本

影宋聞顧賁藏之等什襲何當一借

未萬拜與干揖補天同媧皇動地笑驚蟄九泉誰修文

此舉登幾級神爽秋毫巔主賓闔風立

暨陽院長李申耆先生爲余寓書顧千里之孫瑞清假

得影宋鈔本校汪馬兩本字數增多且有汪馬本通部
俱脫而顧本全者又訪得汪氏士鐘所藏宋刻本三十
二卷至四十卷校鈔本大略相符知顧氏本實爲影宋
足本也余既得是書卽於江陰書院開彫道光十九年
歲次己亥九月彙成附記於此

消寒二集分詠列岫亭釣磯

南亭面方池不見窗中岫頗疑景峯額名與實不副

列岫亭康

熙乙酉學使韓城張景峯延樞書額蓋因御書之賜與亭景適合故名披圖證邑乘位置求

其舊乃知城北山隱於水榭後

据江陰志列岫亭與存雪亭南北相對中無水榭自

乾隆中李鶴峯因培作水榭而列岫之名徒存矣誰人築水榭意在鏡清溜得水

而失山回顧勞肩脰遂令存雪亭獨擅一峯秀兩亭昔對

峙天水與山就其間妙空曠不在多結構吾欲移此舟水
日不繫舟縱與波左右放出青一角偃如月初殼天風吹雪來
稜稜想高瘦作詩付壁石贅言毋乃癩

翠屏渺難覲綠鏡行自照斜籬擁危磯清淺可垂釣我來
秋冬交枯荷雜叢藿水深無一尺魚勞尾不掉連日江風
大寒潮漱石竅溶溶池萍破軋軋水車叫雪意化爲雨草
痕不待燒池北亭榭靜老梅忽含笑魚樂吾未知一竿且
坐嘯君看淮陰士託彼水中漂

江陰歲莫奉懷當塗黃左田夫子并述比年同人聚
散之感寄呈

憶讀餞書圖久與夫子別五載一相見飄若春風雪夕謁

晨載塗悵望心如結至今江上月七十五圓缺

辛卯秋九月余起假

還京時吾師以祝

擬將歸

幸得一謁迄今又六年餘矣但照南飛鶴不照北征轍乘

查昨奉使小邑且停節眼中青山來一水故縈折尺素託

雙鯉感念心內熱上言起居康下言詹思切邇來同門友

人事不可說堂堂田京兆家無四壁列子弟紛飢驅衣寒

手足裂河東與雁門古誼猶提挈

河東郭韻泉雁平章荆縣兩觀察與季高同出

門下曩者侍函丈賤子名濫竊每與田生語酬知意激烈

誰使汾沮泐拔濯出高潔淒涼鄉社祭

晉高陽書院諸生以

從祀三

立閣 宋寘朋簪絕彭生亦老退

作邦於去年請假歸平陽

葛生甘守

拙天柱爲雲南太

劉師陸爲

克慎視學黔中

渺天末落

落晨星揭賤子獨何幸師門近棖闌同硯得許子

長庚自平定來

訪
聊慰形影子大江日東去回首山岷嶻挂帆亦易耳欲
往風先掣乃知宦游跡若奔騎遭繼椒園冬日煥梅花綸
如纈年豐詩力健老懷足怡悅郵筒許寄和鑽仰才敢竭
消寒三集分詠西園花木得蠟梅限分字

小園風雨連朝曛江上客心愁如雲南窗蠟梅久爛漫凍
條碎翦黃紛紛雪亭幾株仍待雪冷眼未破中酒醺檀心
磬口獨輕捷鬥巧欲奪東風勳豈知先開更早謝紅羅縞
袂非其羣官舍如山幽鳥欣低頭誦書百不聞今朝晴日
透窗紙疏影迸裂春冰紋沈吟暗惜手拗取膽瓶爲爾收
餘芬夜深褐衣忽見夢貌癯意靜詞殷勤自言來自真蠟
國九英族派流江潰羅浮僊人本同姓顏色顛顛支條分

一從蘇黃命名字得與蘭桂齊芳薰

蠶梅因東坡山谷得名本名黃梅非梅種

也聞君芟蕪及榛莽枯池瘦石呈厓垠冬心未忍老宋寬

春氣或助詩氤氳抽豪再拜謝不文君家譜系古所云菁

茅橘柚且包貢何況鼎實香有蕢牆東高花爛如焚

時山茶盛

開海紅燭雨天爲昕崢嶸驛使送殘臘令我鄉思馳橫汾

和許蓮西詠竹

聞君談瀑裏修竹間桃花

瀑裏平定村名有流水花竹之勝

鄉國渺難見

客懷愁更賒疏籬寒雨重曲徑翠煙斜何意澄江上銜盃

對冷衙

消寒四集分詠得桃符限入字

雙龍銜燭崑山立竹爆驚雷動春蟄

乾清宮每歲封竇後工部內府進鐘筭

二盤龍楠木柱高與宮檐齊上銜五色八角圓燈樹千
於東西墀中又封寶日宮中駕幸之所以爆竹前導千
門萬戶換桃符粉絹椒屏墨華溼宮中門聯例用白絹
益鮮潔聯語翰林撰寫又臘日內廷翰林題椒屏進上謂之椒屏歲祝皆桃符遺製也雲牖連縣五
色闌星階燦爛三台級

宮中玉篆封朱泥

封寶前一日例進門聯

天下金倉溢紅粒年年春

帖進詞臣翠管銀罌拜

恩及

立春日南齋翰林進春帖子詞三章五言一首七言二首用硬黃矮紙小摺細書拜筆墨牋紙之賜

大字銜從鳳口來

御筆福字賜近臣舊例也道光初年加賜壽字新詩袖得龍

涎入翰林故事滿西清查客流光付行笈邇來寒雨放朝

晴坐見長江環小邑春鐙上市影翻新臘鼓催年聲轉急

潑翠千家門巷開飛紅萬紙兒童拾朱扉白屋共韶華一

笑豐穰占雪汁聯句猶疑茗宴回

新正二日
華宮茶宴聯句

重分題莫

負朋簪集敢從坡老有歸心

東坡句
退歸擬學舊桃符

卻媿歐公獻嘉

什

臘尾小園獨步

今朝晴日滿園林曲檻疏籬散步尋楊柳條邊識新水
枇杷葉底語寒禽江城雪少春先得薛壁詩多歲漸深獨有
亭梅開最晚客懷爲爾幾沈吟